

бездѣльни отступить и видяще ихъ на оное ихъ совѣтованіе гражданъ непреклоненіе во еднѣ отъ дней и се рѣкоша яко вскорѣ къ нимъ на помощь и великій гетманъ Потоцкій со множествомъ войскъ ко граду сему пріити имать. И пришествіе его и мѣста называюще вблизиости быти отъ града Курска. И аще той великій гетманъ прійдетъ, то ужъ никакъ надъ вами имать никакія милости являти, но воспріавъ градъ всѣхъ предастъ вы ни единымъ милосердіемъ мечю изощренному. Слышавше се граждане устрашишася и видяще себе въ толій бѣдѣ и злостраданіи, а наипаче жъ отъ жажды и отъ малости зелія зѣло устрашишася и начаша совѣщати о ежели бы имъ како животу своему хотя малую отъ раду подати, нежели бы имъ отъ жажды помирати яко сіи противниі уже близъ есть трехъ седмиць егда градъ нашъ облегоша и день ото дня намъ тягость являютъ и что сотворимъ съ сими сопротивными развѣ сего еже оставя градъ сей влѣсь бѣжати а нежели во градѣ семъ отъ жажды умерети; за небо мало не по вся дни ко граду сему приступаютъ и умыслиша вси тако сотворити еже оставя градъ в той нощи бѣжати и Спасскаго попа что за рѣчкою за Куромъ попадя услышавъ сей совѣтъ, желая отъ противныхъ за се по честь себѣ воспріяти изъ града сего прибеже къ противникамъ и имъ о семъ всемъ гражданскомъ совѣтѣ повѣдаше и всемилостивый Господь Богъ премногіе ради своего милости и милостивъ рождшія къ нему богоматере изволилъ надъ градомъ симъ милосердіе явити яко того жъ дни отъ противныхъ полковъ яко бы нѣкимъ посланъ бысть пріиде в сей градъ и воеводѣ и гражданамъ се повѣдаше еже сего дни к намъ въ полкъ изъ сего града жена нѣкая повѣдаше яко вы сея нощи оставя сей градъ хотите бѣжати за рѣку Тускоръ влѣсь. И услышавъ отъ оной жены сія словеса заповѣда въ полкѣхъ своихъ всимъ сія нощи къ граду сему на приступъ отовсюду идти съ великимъ устремленіемъ, а оного мѣста во изъ помышляете бѣгство сотворити во всю нощь заповѣда конницы уготованней на посѣченіе безо всякаго милосердія народа стоять. И слышавъ о семъ всемъ воевода и народъ зѣло быша исполнены печали и видя сіе оный посланикъ нарѣдъ сей мыслями мятущійся нача имъ повѣдати о еже бы они граждане не сумнѣвались, но имѣли велию вѣру къ Пресв. Царицѣ Богородицѣ яко ни како жъ отъ нихъ про-

тивныхъ градъ сей имать быти взятый, за не не воедину нощь мнози изъ насъ в нощахъ видяхомъ по забралу града шествующу жену во всесвѣтлой одеждѣ и вси иже узрѣвше и отъ свѣтлости зрѣнія никтожъ отъ нихъ на ню могше зрѣти ницѣ падоша, а во инныя нощи видають по тому же забралу дѣвицу ходящу а вокругъ еѣ в свѣтлыхъ ризахъ 6 мужей съ жезлами ходящихъ и имъ претящимъ дабы отъ града сего скоро отити имѣли. И вси въ ихъ полкѣхъ дознаваютьъ яко се творитъ сохраняя градъ сей подъ своимъ покровомъ Пресв. Богородица да в нощахъ же мнози отъ нихъ видяще около сего града нѣкоего юношу свѣтлообразна в бѣломъ одѣяніи и на бѣломъ конѣ яко бы нѣкій храбрый воинъ и стражъ градъ сей окружаетъ а кто оный есть мужъ никакъ они могутъ разумѣти и отъ оныхъ страшныхъ явленій веліе в войске ихъ смятеніе яко мнози дознаваютьъ, еже по семъ граду побораютъ и отъ нихъ защищаетъ Божія Мати и глаголю яко граду сему за такимъ неопроборимымъ воеводствомъ что можемъ зла сотворити развѣ того еже самимъ отъ гражданъ побѣннымъ быти. И слышавше сіи словеса воевода и граждане зѣло умилишася сердца яко отъ толикаго велія напасти изволилъ ихъ симъ мужемъ свободнымъ явить и вси в нощь противнымъ на пришествіе ко граду приближашася отъ гражданъ на той брани множество противныхъ бысть убіено и потомъ и во инныя дни частыми приступы гражданъ отягощающе яко и сно въ нощахъ неимѣли развѣ дня. И во единъ отъ дней гетманъ сего града за защищеніемъ Божіа Матери невозможно взяти но точію отъ гражданъ себѣ потребленіе пріемля и умысли отъ града сего прочь отъйти и начаше политавромъ бити и в трубы играти. И видя сіе спасской попъ что за рѣчкою Куромъ прежней попадья которая узнѣвила, зять, тече изъ града къ противнымъ и о семъ повѣдаше о еже бы имъ отъ града сего неотходитъ но по его совѣту сотворити и тако вскорѣ имать градъ сей воспріяти, а развѣ его совѣту никакъ есть возможно градъ сей одолѣть. Желтовскій услышавъ о семъ нача его съ радостію вопрошати онъ же ему повѣда яко граждены отъ вашего приступами томленія никакъ когда либо сна пріемлютъ за не прасно ко граду ожидаютъ, а в день всегда безо всякія боязни отъ труда опочиваютъ, и аще они ко граду сему часу въ 5-мъ на приступ пріидутъ, то вскоръ имутъ градъ сей взяти за не граждены